



Broj: 07-11-149/26  
Vogošća, 30.03.2026. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14, 59/22 i 50/24), i čl. 71. i 125. Statuta Općine Vogošća ("Službene novine Kantona Sarajevo", broj: 27/14, 14/15, 9/20 i 23/24), Općinski načelnik dana 30.03.2026. godine donio je

**ODLUKU  
O IZBORU NAJPOVOLJNIJEG PONUĐAČA ZA NABAVKU I ISPORUKU SREDSTAVA ZA  
DEZINFEKCIJU VODE ZA LOKALNE VODOVODE**

**Član 1.**

Ponuda ponuđača „ITR“ d.o.o. Sarajevo, ulica Vinka Šamarlića br. 6, Sarajevo, odabrana je za nabavku i isporuku sredstava za dezinfekciju vode za lokalne vodovode, kao jedina pristigla ponuda, sa ponuđenom ukupnom cijenom nabavke i uračunatim popustom od 5 % u iznosu od 23.959,00 KM bez uračunatog PDV-a, odnosno 28.032,03 KM sa uračunatim PDV-om.

**Član 2.**

Odluka o izboru najpovoljnijeg ponuđača će biti objavljena na web stranici Općine Vogošća, istovremeno s upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama BiH.

**OBRAZLOŽENJE**

Općinski načelnik je dana 18.02.2026. godine donio Odluku o pokretanju Otvorenog postupka nabavke i isporuke sredstava za dezinfekciju vode za lokalne vodovode, zajedno sa objavljivanjem Obavještenja o nabavci broj: 1353-1-1-40-3-57/26, objavljenom na Portalu javnih nabavki BiH dana 20.02.2026. godine i Ispravke obavještenja o nabavci broj: 1353-1-1-40-8-67/26 od 17.03.2026. godine.

Sažetak Obavještenja o nabavci objavljen je u "Službenom glasniku BiH" broj: 16/26 od 27.02.2026. godine, a sažetak o ispravci broj: 22/26 od 23.03.2026. godine.

Tendersku dokumentaciju sa Portala javnih nabavki BiH do 26.03.2026. godine do 10:00 sati je preuzelo 8 (osam) ponuđača, te je izvršeno javno otvaranje ponuda, što je konstatovano Zapisnikom sa otvaranja ponuda od 26.03.2026. godine.

Shodno navedenom Zapisniku sa otvaranja ponuda, Komisija za javne nabavke je konstatovala da je zaprimljena jedna ponuda i to ponuđača „ITR“ d.o.o. Sarajevo, broj int. knjige 14/26 pod rednim brojem 157., sa ponuđenom ukupnom cijenom nabavke i uračunatim popustom od 5 % u iznosu od 23.959,00 KM bez uračunatog PDV-a, odnosno 28.032,03 KM sa uračunatim PDV-om.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponudu, u smislu provjere njene validnosti, s obzirom na iskazane zahtjeve ugovornog organa u Tenderskoj dokumentaciji broj: 07-11-149/26 iz februara 2026.

godine, odnosno pregledu ponude u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Detaljnim postupkom pregleda i ocjene ponude, Komisija za javne nabavke je utvrdila da ponuda ponuđača „ITR“ d.o.o. Sarajevo ispunjava formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela ponude ponuđača „ITR“ d.o.o. Sarajevo, te je izvršena računska provjera dostavljene ponude i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14, 59/22 i 50/24), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača „ITR“ d.o.o. Sarajevo, za nabavku i isporuku sredstava za dezinfekciju vode za lokalne vodovode, kao jedine pristigle ponude, sa ponuđenom ukupnom cijenom nabavke i uračunatim popustom od 5 % u iznosu od 23.959,00 KM bez uračunatog PDV-a, odnosno 28.032,03 KM sa uračunatim PDV-om.

**Pouka o pravnom lijeku:** Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

**Izradila:** Meliha Čolpa

---

**Kontrolisala:** Đejna Sarač

---

OPĆINSKI NAČELNIK

---

**Migdad Hasanović**

Dostavljeno:

1. „ITR“ d.o.o. Sarajevo
2. Nadležnoj Službi
3. U dosije
4. a/a

info@itr.ba